



Broj: 101-2005/25

Mostar, 29.5.2025. godine

Na osnovu Odluke Senata Univerziteta "Džemal Bijedić" u Mostaru, broj: 101-2004/25 od 29.5.2025. godine raspisuje se

KONKURS

za prijem studenata u Studentski dom „Antalija“ u akademskoj 2025/2026. godini

Član 1.

- (1) U akademskoj 2025/2026. godini u Studentski dom „Antalija“ (dalje: Doma) izvršit će se prijem do 160 studenata Univerziteta "Džemal Bijedić" u Mostaru, u skladu sa Pravilnikom o uslovima, kriterijima i postupku prijema studenata u Studentski dom "Antalija" Univerziteta "Džemal Bijedić" u Mostaru (dalje: Pravilnik).
- (2) Pravo na prijem u Dom imaju redovni studenti Univerziteta "Džemal Bijedić" u Mostaru (u daljem tekstu: **Univerzitet**) pod sljedećim uslovima:
 1. da su prvi put upisali prvu, odnosno narednu godinu studija i
 2. da je mjesto njihovog prebivališta, odnosno boravišta udaljeno od Mostara više od 20 kilometara.
- (3) Ukoliko smještajne kapacitete u Domu ne popune redovni studenti koji prvi put upisuju prvu, odnosno narednu godinu studija, te DL studenti koji pohađaju nastavu *in class*, pravo na prijem u Dom imaju redovni studenti koji obnavljaju godinu, kao i studenti u statusu studenta apsoluta, studenti upisani na II ciklus studija u statusu redovnog studenta, te DL studenti.
- (4) Pravo prijave na konkurs imaju svi studenti iz stava (2) i (3) ovoga člana.
- (5) Prijem studenata iz prednjeg stava u Dom vrši se na način i po postupku utvrđenim odredbama Pravilnika.
- (6) Student kojem je u tekućoj akademskoj godini izrečena disciplinska mjera isključenja s fakulteta/univerzitetskog studija ili isključenje iz Studentskog doma „Antalija“ ne može biti primljen u Dom u narednoj akademskoj godini.
- (7) U akademskoj 2025/2026. godini, u zavisnosti od zainteresiranosti i potreba studenata za smještaj u jednokrevetne sobe, bit će dostupno do 20% jednokrevetnih soba od ukupnog raspoloživog smještajnog kapaciteta u Domu. Prednost kod smještaja u jednokrevetne sobe imat će studenti rangirani sa najvećim brojem bodova i ukoliko imaju opravdane razloge (zdravstvene poteškoće i slično) sa odgovarajućom dokumentacijom (nalaz, mišljenje ljekara i slično).

Član 2.

(1) Uz potpisanu prijavu i molbu (obrazac prijave i molbe preuzima se na web stranici Univerziteta u odjeljku „Konkursi“ ili „Studentski dom Antalija“ objavljeni uz tekst konkursa) na Konkurs student je dužan dostaviti sljedeću dokumentaciju (original ili ovjerene kopije ne starije od 3 mjeseca):

1. uvjerenje fakulteta ili univerzitetskog studija da je redovan student,
2. potvrdu o mjestu prebivališta, odnosno boravišta (CIPS),
3. uvjerenje fakulteta ili univerzitetskog studija o prosječnoj ocjeni ostvarenoj u prethodnoj godini studija, odnosno studenti upisani na I (prvu) godinu studija podnose ovjerenu kopiju



svjedočanstava o završenim razredima srednje škole i ovjerenu kopiju diplome o završenoj srednjoj školi,

4. uvjerenje o zajedničkom domaćinstvu (kućna lista),
5. uvjerenje za članove užeg porodičnog domaćinstva koji se nalaze na evidenciji Zavoda za zapošljavanje.

Za ostvarivanje benefita pri bodovanju i rangiranju, student u zavisnosti od pripadnosti nekoj od sljedećih kategorija, dostavlja dokaz (uvjerenje ili potvrdu, original ili ovjerena kopije ne starije od 3 mjeseca) da je:

1. bez roditeljskog staranja
2. iz porodice šehida ili poginulog borca,
3. invalid ili da je uži član porodice invalida s procentom invalidnosti,
4. RVI ili član porodice ratnog vojnog invalida s procentom invalidnosti,
5. demobilisani borac oružanih snaga BiH ili član porodice demobilisanog borca oružanih snaga BiH (uža porodica),
6. dobitnik nagrada u nastavnim i sportskim takmičenjima (na međunarodnim, državnim federalnim, kantonalnim takmičenjima),
7. izbjeglo i raseljeno lice.

(2) U slučaju da student aplicira za jednokrevetnu sobu, jer ima opravdane razloge (zdravstvene poteškoće i slično) potrebno je dostaviti pripadajuću dokumentaciju (nalaz, mišljenje ljekara i slično).

Član 3.

(1) Rangiranje kandidata obaviti će Komisija za prijem studenata, na osnovu utvrđenih kriterija i ukupnog broja bodova određenih primjenom kriterija na podatke iz dostavljene dokumentacije koja se traži ovim Konkursom, a u skladu sa Pravilnikom o uslovima, kriterijima i postupku prijema studenata u Studentski dom "Antalija" Univerziteta "Džemal Bijedić" u Mostaru.

(2) Preliminarna Rang lista prijavljenih studenata za smještaj u Dom objavit će se na oglasnoj ploči Studentskog doma "Antalija" Univerziteta "Džemal Bijedić" u Mostaru i web stranicama Univerziteta "Džemal Bijedić" u Mostaru i Studentskog doma „Antalija“ Univerziteta "Džemal Bijedić" u Mostaru najkasnije do **10. septembra 2025. godine.**

(3) Na preliminarnu Rang listu, kandidati imaju pravo pismenog prigovora u roku od tri dana od dana objave navedene liste, Komisiji za prijem studenata pismenim putem na protokol Univerziteta ili putem pošte.

(4) Na prigovor iz prethodnog stava, Rektor je obavezan donijeti odluku u roku od tri dana, nakon čega utvrđuje konačnu Rang listu kandidata, koja se objavljuje na oglasnoj ploči i web stranici Studentskog doma „Antalija“ i Univerziteta, s naznakom broja do kojeg su kandidati stekli pravo prijema.

Član 4.

Student više studijske godine je u obavezi najkasnije do 15.10.2025. godine priložiti uvjerenje o upisu na fakultet/univerzitetski studij u narednu akademsku godinu, a student prve godine studija prilikom predaje prijave na konkurs, u suprotnom, gubi pravo na smještaj.



Član 5.

Potpisane prijave sa dokumentacijom podnose se na protokol Univerziteta (zgrada Rektorata) ili putem pošte u zatvorenoj koverti, na adresu:

**Univerzitet „Džemal Bijedić“ u Mostaru
USRC Midhad Hujdur Hujka, Sjeverni logor bb, 88104 Mostar
NA KOVERTI JE POTREBNO NAZNAČITI:
Prijava na konkurs za prijem studenata u Studentski dom „Antalija“
u akademskoj 2025/2026. godini**

Na poledini koverta treba biti naznačeno: ime i prezime kandidata, adresa i kontakt telefon.
Nepotpune i neblagovremene prijave neće se uzimati u razmatranje.

Javni konkurs je otvoren od 9.6.2025. do 18.7.2025. godine i od 18.8.2025. do 25.8.2025. godine.

U periodu od 19.7.2025. godine do 17.8.2025. godine, zaposlenici Univerziteta „Džemal Bijedić“ u Mostaru su na kolektivnom godišnjem odmoru.

**PREDSJEDAVAJUĆA SENATA
UNIVERZITETA „DŽEMAL BIJEDIĆ“ U MOSTARU**

prof. dr. Alena Huseinbegović, rektorica

